

浮山縣志卷之三十二

兵氛

易云安不忘危治不忘亂蓋不忘則倣懼倣懼則防汎守禦之謀豫焉浮山僻居郡城東隅雖非用武者必爭之地然繇後魏以來戰爭攻陷之事正自不乏思患豫防實固圉保民者之要也因備列之志兵氛

後魏天興五年正月帝聞姚興將寇邊大簡輿徒詔并州諸軍積穀於平陽之乾壁五月後秦安北將軍姚平

浮山縣志

卷之三十二

兵氛

一

率衆四萬來侵平陽乾壁爲平所陷

姚平攻乾壁六

十餘日壁中泉少失守乃陷之

魏平陽太守貳塵入

侵河東興遣姚平等率步騎四萬伐魏平等軍次河東

興遣唐方姚良國率關中勁卒爲平後繼姚緒統河東

見兵爲前軍平攻魏乾城陷之遂據柴壁

姚興傳

唐泰常五年十一月詔驍騎將軍延普城乾城

梁天祐五年九月晉遣周德威攻晉州敗梁軍於神山

明崇正五年流賊弒金梁率衆數萬逼城時知縣李乘雲

善射殪賊渠魁餘黨遂退尋復攻南土村擄掠居民執齊國賢欲以爲謀主國賢怒罵不絕死之

十七年流賊攻城城破署僞官執高象先送僞衡山伯不屈磔之

國朝順治六年己丑土寇滋擾浮邑爲賊所困邑武庠秦士鳳戍東城三月二十日與賊戰於北石村殺傷相當次日逐賊於邢翟村時賊據南山爲險知縣王廷佐親率鄉兵禦之我兵恃衆緣崖而上秦士鳳獨當一面奮

勇先登賊頗披靡後軍不繼力竭被殲從行義勇劉波武生喬瑾奮身救之胥遇害邢翟之役李先春領鄉兵冒險衝陣揮大刀連砍數賊以悞踐危石而蹶遂被害子李全娃亦同時戰死是歲大同總兵姜瓖叛分遣賊首攻平陽不克尋攻各州縣遍掠鄉村浮民各營土堡賴全者甚衆

同治六年丁卯十一月秦豫獍捻各匪竄晉由吉州之龍王辿偷渡黃河平陽府城戒嚴邑之正西二十里地名

韓村者與臨汾接壤乃入邑要隘其地南北兩厓高皆數仞中設棧道以通車馬下臨深溝一望無際實爲天塹時縣令余澤文督率民勇爲固守計先將棧道挖斷倚險堵禦賊邊馬數十騎忽至溝邊見地險道斷我境有備民勇旣衆防守甚嚴無隙可乘故爾奔回未能闌入闔邑賴以安堵焉